

IZVOD IZ INFORMACIJE SA PRESS KONFERENCIJE OD 28.01.2014.G.

AKTIVNOSTI MUP-a KANTONA SARAJEVO U 2013. GODINI

U 2013. godini smo nastojali poboljšati uslove rada naših uposlenika, prevashodno kada je u pitanju materijalno – tehnička opremljenost, zatim kadrovska popunjenost što svakako doprinosi jačanju kapaciteta neophodnih za unapređenje sigurnosnog okruženju u Kantonu Sarajevo. Tako je, u skladu sa Zaključkom Vlade kojim je data saglasnost za zapošljavanje novih policijskih službenika, u 2013. godini potpisan ugovor o međusobnim pravima i obavezama MUP-a KS i 150 kadeta polaznika osnovne obuke u činu policajac i 20 u činu mladi inspektor. Oni bi na radna mjesta trebali biti raspoređeni u ovoj godini, nakon što okončaju obuku. Ovdje želimo još naglasiti da je Vlada na sjednici održanoj 14. januara ove godine podržala našu inicijativu o pokretanju procedure upošljavanja još 130 policijskih službenika u MUP-u Kantona Sarajevo, što će doprinijeti ekspeditivnijem radu Ministarstva i podizanju sigurnosti na još viši nivo. Pored toga, na osnovu javnih oglasa raspisanih u 2013. godini, u Upravi administracije i podrške našeg ministarstva zaposleno je 13 namještenika na neodređeno vrijeme, a u toku je procedura za zasnivanje radnog odnosa na neodređeno vrijeme za još 3 namještenika, te procedura za zasnivanje radnog odnosa za 12 namještenika na određeno vrijeme radi obavljanja privremenih poslova.

Što se tiče materijalno – tehničkog opremanja, nabavljena je zimska policijska uniforma (isporuka je u toku) , te čizme i cipele za 1.100 policijskih službenika, zatim taktička „MULTI CAM“ uniforma za pripadnike Jedinice za specijalističku podršku koji su učestvovali na takmičenju u Orlando i 6 uniformi za motoriste Jedinice za saobraćaj. Za nabavku navedenih uniformi i obuće izdvojeno je ukupno 1.825.396,79 KM. Također je nabavljeno 6 motocikala i kaciga za motocikliste za potrebe Jedinice za saobraćaj za šta je izdvojeno 145.351,92 KM. Završena je i tenderska procedura za nabavku 1500 službenih pištolja u ugovornoj vrijednosti od 1.746.225,00 KM. Nabavljena su i metaldetektorska vrata i 25 ručnih detektora metala za šta su izdvojena sredstva u iznosu od 23. 095,80 KM. Za nabavku namještaja, računarske opreme, opreme za prenos podataka i glasa, elektronske opreme, kancelarijskih mašina i uređaja izdvojeno je 66. 269, 11 KM. Dakle u 2013. godini, za navedene nabavke je ukupno izdvojeno 3.806.338,62 KM. Pored navedenog, u toku je i procedura za nabavku službene odjeće za uposlenike Ministarstva.

Završena je izgradnja novog objekta Policijske stanice Vogošća koji je svečano i otvoren početkom 2013. godine. Na taj način su stvoreni svi potrebni uslovi za poboljšanje efikasnosti rada policijskih službenika i ostalih uposlenika Ministarstva u ovoj općini, kao i Kantonu u cjelini. Ukupna vrijednost ovog projekta iznosi 2.430.000 KM. Pored toga, izvršeno je i više sanacionih radova u objektima MUP-a KS u vrijednosti od oko 25.000 KM.

Jedan od pokazatelja poboljšanja uslova rada naših uposlenika je i podatak da je u 2013. godini broj dana bolovanja (podatak se odnosi na bolovanje preko 42 dana)

smanjen za 3.157 u odnosu na 2012. godinu, odnosno 25. 256 sati bolovanja je manje u 2013. nego u 2012. godini.

Kada je u pitanju donošenje propisa iz oblasti unutrašnjih poslova, u 2013. godini donijeto je 8 pravilnika, jedna uredba, jedna odluka i 2 uputstva, a u fazi donošenja su Zakon o unutrašnjim poslovima Kantona Sarajevo, Zakon o policijskim službenicima Kantona Sarajevo i Zakon o plaćama i naknadama policijskih službenika Kantona Sarajevo, kao i Pravilnik o unutrašnjoj organizaciji Ministarstva unutrašnjih poslova Kantona Sarajevo.

Kad je u pitanju izdavanje ličnih dokumenata, u 2013. godini je obrađeno 76945 zahtjeva za izdavanje ličnih karata (155,6 % više u odnosu na period januar-decembar 2012. godine kad je taj broj iznosio 30103), vozačkih dozvola 31041 (106,3% više u odnosu na period januar-decembar 2012. godine kad je taj broj iznosio 15047), a ukupno je izdato 53686 pasoša (34% više u odnosu na period januar – decembar 2012. godine kada je izdato 40027 pasoša). U ovoj godini očekujemo još veći broj zahtjeva za izdavanje ličnih karata i vozačkih dozvola, s obzirom na činjenicu da je kada je počeo CIPS projekat, najveći broj ličnih dokumenata zamijenjen u 2004. godini i u ovoj godini im ističe rok važenja.

U 2013. godini smo realizovali niz aktivnosti koje se odnose na naš projekat „Nova žetva“ te su u skladu s tim održani radno-konsultativni sastanci sa predstavnicima UNDP-a, OSCE-a, Ministarstva odbrane BiH, Federalne uprave policije, Federalne i Kantonalne civilne zaštite i drugih relevantnih institucija, na kojima je prezentirano idejno rješenje našeg projekta „Nova žetva“. U mjesecu septembru je počela kampanja „Biraj život bez oružja“ . Ova kampanja će u isto vrijeme biti realizovana širom Bosne i Hercegovine, a provodit će je MUP RS, FMUP, Policija Distrikta Brčko i kantonalni mupovi uz podršku UNDP-a, Ambasade Velike Britanije, Međunarodnog crvenog krsta, OSCE-a i EUFOR-a, što je izuzetno značajno jer aktivnosti na prikupljanju nelegalnog oružja će imati rezultate samo ukoliko se odvijaju istovremeno na području čitave BiH. Na sjednici Skupštine Kantona Sarajevo održanoj 27. 11. 2013. godine, usvojen je Akcioni plan za prevenciju maloljetničkog prestupništva i rad sa maloljetnicima u sukobu sa zakonom 2014 – 2016. Inicijator za izradu ovog akcionog plana je bilo naše ministarstvo, a realizacijom Akcionog plana očekuje se poboljšanje načina kontrole ponašanja maloljetnika u sukobu sa zakonom i određeni stepen smanjenja stope kriminaliteta koji čine maloljetnici i kriminaliteta nad maloljetnim licima u cilju poboljšanja sigurnosnog okruženja u Kantonu Sarajevo. Što se tiče aktivnosti iz nadležnosti MUP-a Kantona Sarajevo koje su predviđene Akcionim planom, mi smo već realizovali nabavku detektora metala i službenih pasa. Pored toga, otvorene su prostorije za rad sa maloljetnim prestupnicima, te maloljetnicima kao žrtvama i svjedocima u krivičnom postupku u svim policijskim upravama, kao i u sjedištu Ministarstva, sa prevashodnim ciljem da se rad sa maloljetnim licima učini što manje traumatičnim i da se procedura uskladi sa međunarodnim standardima.

Ostvarili smo i saradnju sa predstavnicima Visokog sudskog i tužilačkog vijeća BiH na implementaciji projekta „Podrška pravosuđu u Bosni i Hercegovini - Jačanje tužilačkih kapaciteta u sistemu krivičnog pravosuđa“. Kao rezultat ove saradnje, krajem mjeseca oktobra, sa Kantonalnim tužilaštvom Kantona Sarajevo je potpisan dokument „Smjernice o postupanju i saradnji policije i tužilaštva u odnosima sa medijima i informisanju javnosti“.

Potpisali smo i Memorandum o razumijevanju, stručnoj saradnji i uzajamnoj pomoći sa Fakultetom političkih nauka i Pravnim fakultetom Univerziteta u Sarajevu. Važnost potpisivanja ovog Memoranduma se, prije svega, ogleda u stvaranju pravnih i institucionalnih pretpostavki za istraživački aspekt rada studenata na pomenutim fakultetima.

Bitno je takođe napomenuti i to da je u prošloj godini omogućeno našim policijskim službenicima – malonogometnom timu učešće na turniru policijskih timova iz cijelog svijeta koji se održavao u Holandiji, te da je naša ekipa Jedinice za specijalističku podršku učestvovala na međunarodnom takmičenju specijalaca u Orlando – Florida u SAD-u koje, s obzirom na tradiciju, broj učesnika, te značaju koji ovom takmičenju daje država domaćin, predstavlja neformalno svjetsko prvenstvo u pojedinačnoj i ekipnoj konkurenciji SWAT-timova.

Imali smo i jako dobru saradnju sa medijima, pa je prema analizama u periodu februar-decembar 2013. godine zabilježeno ukupno 7625 objava koje su se odnosile na ključne riječi MUP KS, zvaničnici MUP-a i druge teme koje se odnose na aktivnosti Ministarstva, što bi u prosjeku iznosilo oko 23 objave dnevno. Od toga je 458 objava ocijenjeno kao pozitivne, 28 kao negativne i 7035 kao neutralne.

Ukupan broj objava u navedenom periodu koji je zabilježen na zadanu temu „crna hronika“ je iznosio 5386.

Ukupno trajanje tv i radijskih objava za period februar – decembar iskazanih u minutama :

TV objave	995,85 min.
Radio objave	77,99 min.

(Dnevni prosjek trajanja tv objava bi iznosio 3 minute.)

AKTIVNOSTI UPRAVE POLICIJE MUP-a KANTONA SARAJEVO

Uprava policije Ministarstva unutrašnjih poslova Kantona Sarajevo, svoje aktivnosti je u 2013.godini usmjerila na podizanje nivoa lične i imovinske sigurnosti građana, a koje se ogledaju u spriječavanju i prevenciji izvršenja krivičnih djela, rasvjetljavanju počinjenih krivičnih djela, te identifikaciji i procesuiranju njihovih izvršilaca.

Također, posebna pažnja posvećena je sigurnosti učesnika u saobraćaju, kao i održavanju povoljnog stanja javnog reda i mira.

KRIMINALITET

S tim u vezi, potrebno je naglasiti da je u 2013.godini registrovano 6.490 krivičnih djela, što je za 389 ili 5,7 % manje u odnosu na prošlu godinu. Zbog postojanja osnova sumnje da su počinili krivična djela nadležnim tužilaštvima podneseni su izvještaji protiv 3.124 lica od kojih je 2.061 povratnik (ili 66 % prijavljenih), a 1.102 lica su lišena slobode. U promatranom periodu za 4.116 krivičnih djela identificirani su osumnjičeni izvršioци čime je rasvijetljeno 63,4 %, što je za 1,4% više u odnosu za prethodnu godinu. Pored državljana BiH prijavljeno je i 26 stranih državljana što je povećanje za 16 lica.

Veoma bitno je naglasiti da je značajno smanjen broj najtežih krivičnih djela ubistava, registrirano 1 (4 manje), ubistvo u pokušaju 12 (5 manje) i sva ova djela su rasvijetljena.

Treba napomenuti da su u ukupnom broju krivičnih djela najzastupljenija krivična djela protiv imovine, te je u promatranom periodu registrirano 4.819, što je za 323 ili 6,3 % manje, a rasvijetljeno je 1,7 % više u odnosu na 2012.godinu. S obzirom na evidentan problem teških krađa putničkih motornih vozila na području Kantona Sarajevo u protekloj godini otuđeno je 800 motornih vozila, od čega je 227 vraćeno vlasnicima. Zbog postojanja osnova sumnje da su učestvovali u otuđenju motornih vozila nadležnom tužilaštvu su dostavljeni izvještaji protiv 74 lica (3 više), od kojih su 45 povratnika ili 60,8 %. Uvažavajući ovakvo stanje Uprava policije će u saradnji sa drugim policijskim agencijama i nadležnim tužilaštvima preduzeti dodatne aktivnosti na prevenciji i smanjenju broja otuđenih motornih vozila, kao i identifikaciji njihovih izvršilaca.

Kada govorimo o krivičnim djelima protiv zdravlja ljudi treba napomenuti da su nastavljene kontinuirane aktivnosti na rasvijetljavanju krivičnih djela neovlaštene proizvodnje i stavljanja u promet opojnih droga, kojom prilikom je evidentirano 56 djela (4 više) i posjedovanje i omogućavanje uživanja opojnih droga 225 djela (44 manje). U promatranom periodu podneseni su izvještaji protiv 289 lica od čega je 187 povratnika ili 64,7 %, a tokom obavljanja ovih aktivnosti 135 izvršilaca krivičnih djela je lišeno slobode.

Također, u 139 slučajeva vršena su vještačenja različitih materija koje asociraju na opojnu drogu, te je izvršeno 234 pregleda - pretresa osoba i stambenih objekata, te većeg broja putničkih motornih vozila, a sve po naredbi Općinskog suda u Sarajevu.

Kada govorimo o maloljetnom prestupništvu veoma je značajno napomenuti i time smo zadovoljni, da je smanjen broj izvršenih krivičnih djela što govori broj od 252 evidentirana, što je za 97 ili 27,8 % manje, a takođe bitno je samnjen i broj prijavljenih maloljetnih izvršilaca, koji iznosi 159 što je za 49 ili 23,6 % manje. Pored krivičnih djela protiv imovine koja su najbrojnija, evidentirana su i 23 krivična djela protiv života i tijela: ubistvo u pokušaju 2 djela, te nanošenje povreda 18 krivičnih djela i 2 učestvovanja u tuči. Također, evidentirano je i 13 krivičnih djela posjedovanja i omogućavanja uživanja opojnih droga.

JAVNI RED I MIR

Kada govorimo o satanju javnog reda i mira na području Kantona Sarajevo treba reći da je u protekloj godini registrovano 5.766 prekršaja, a velika većina se odnosi na prekršaje počinjene prosjačenjem, gdje je evidentirano 2.333 prekršaja što je povećanje za 37,2 %. Odmah treba naglasiti da se ovo ne odnosi na povećanje apsolutnog broja nego na pojačane aktivnosti policijskih službenika na terenu. U odnosu na 2012. godinu

povećan je broj prekršajnih sankcija zbog prekršaja kojima se narušava javni red i mir na ulici i drugim otvorenim prostorima, na sportskim terenima i u trgovinskim i zanatskim radnjama, dok je broj prekršaja učinjenih na svim ostalim mjestima smanjen.

Također, policijski službenici su osigurali 2.294 javna skupa koji su održani na području Kantona Sarajevo, te istom prilikom izvršeno 460 KDZ pregleda i osiguranja skupova.

SAOBRAĆAJ

Veoma značajan segment opće sigurnosti jeste i sigurnost u saobraćaju. Nažalost moramo konstatirati ono što i analitički podaci govore da je u 2013.godini došlo do povećanja ukupnog broja saobraćajnih nezgoda, nezgoda sa materijalnom štetom i nastradalim licima, kao i broja nastradalih lica. U pomenutom periodu evidentirano je 10.536 saobraćajnih nezgoda što je za 659 ili 6,7 % više, a od tog broja 866 je sa nastradalim licima, što je za 41 ili 5 % više. U ovim saobraćajnim nezgodama povrijeđeno je 1.166 osoba 120 više nego u 2012.godini, a poginulo je 24 osobe, što je 3 više nego u prethodnoj godini. Kada gledamo strukturu poginulih osoba izdvaja se kategorija pješaka njih 15, što nam govori da su pješaci naugroženija kategorija u saobraćaju. Također, poginulo je 7 vozača i 2 putnika. Uprava policije permanentno poduzima dodatne aktivnosti u okviru materijalno - tehničkih i ljudskih resursa, kako bi stanje sigurnosti u saobraćaju podigli na viši nivo i smanjili broj saobraćajnih nezgoda, a posebno onih sa nastradalim licima. U promatranom periodu policijski službenici su kontrolisali 282.393 vozila, a zbog kršenja propisa iz oblasti sigurnosti saobraćaja sankcionirano je 181.600 učesnika u saobraćaju. Također, u istom periodu evidentirano je 77 krivičnih djela zbog ugrožavanja sigurnosti javnog prometa.

Aktualan problem je nedostatak parking prostora na području Kantona Sarajevo, a posebno u Gradu Sarajevu, što uzrokuje veliko broj nepropisno parkiranih vozila, koji ponekad utiču na smanjenje nivoa sigurnosti u saobraćaju, posebno pješaka. Poduzimanjući mjere na rješavanju ove pojave sankcionirano je 63.252 vozača, dok je specijalnim vozilom "Pauk" premješteno 3.033 vozila. U istom periodu pješacima koji su kršili saobraćajne propise uručeno je 1.348 prekršajnih naloga.

AKTIVNOSI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U 2013.godini, od strane policijskih uprava fizičkim licima izdata su 754 odobrenja za nabavku vatrenog oružja, 1.091 oružni list, dok je izvršena zamjena 271 oružnog lista.

U istom periodu evidentirano je 108 krivičnih djela koja su regulisana Zakonom o nabavljanju, držanju i nošenju oružja i municije, zbog kojih je 47 lica lišeno slobode.

Tokom obavljanja redovnih aktivnosti policijski službenici su oduzeli veću količinu oružja i municije i to: 2 teška oružja, 46 pušaka, 95 pištolja, 24 ručne bombe, 6.199 komada municije različitog kalibra, 12.269 različitih pirotehničkih sredstava te 148 noževa i drugih oštrih predmeta. Istovremeno, realizirajući akciju "Žetva 2013", a u saradnji sa Štabovima civilne zaštite, EUFOR-om i Oružanim snagama Bosne i Hercegovine, prikupljeno je : 2 ručna bacača, 115 ručnih bombi, 37 mina, granata i tromblona, 5 pušaka, 6 pištolja, te 2.426 komada municije različitog kalibra.

AKTIVNOSTI UPRAVE ADMINISTRACIJE I PODRŠKE

Uprava administracije i podrške Ministarstva unutrašnjih poslova Kantona Sarajevo je tokom izvještajnog perioda, u skladu sa zakonom i svojim nadležnostima, koordiniranim radom svih organizacionih jedinica, preduzimala aktivnosti i realizaciju poslova i zadataka iz svog djelokruga rada, predviđenih Programom rada Uprave administracije i podrške za 2013. godinu, kao i druge poslove koje je situacija nametala kao prioritet. Uprava administracije i podrške poslove iz svoje nadležnosti vrši u okviru organizacionih jedinica: Sektora za administraciju, Sektora za podršku i Sektora za informatičku podršku.

1. QMS (Sistem upravljanja kvalitetom)

Pokrenute su aktivnosti na reviziji DSUQ u cilju provjere postojećih procedura propisanih ISO standardom, te unapređenja procesa upravljanja. Utvrđenom metodom izvršeno je mjerenje zadovoljstva korisnika usluga, a rezultati analize su dostavljeni Timu za kvalitet Uprave Administracije i podrške, odnosno Sektora za administraciju. Proveden je Interni audit, ranije najavljen od strane Ureda za kvalitet Kantona Sarajevo. Izvještajem auditora konstatovan je visok stepen stručnosti i profesionalizma auditiranih osoba, prepoznat je procesni pristup, visok stepen zainteresovanosti, te pozitivna orijentacija prema zahtjevima standarda. Politika kvaliteta se provodi u potpunosti i neusklađenosti nisu evidentirane.

Tokom izvještajnog perioda u okviru poslova Uprave administracije i podrške postignuti su uspješni rezultati rada i urađeni su sljedeći poslovi i zadaci:

Lična dokumenta (obrađeni zahtjevi za izdavanje dokumenata)

Lične karte 76945

(155,6 % više u odnosu na period januar-decembar 2012. godine – 30103 LK)

Vozačke dozvole 31041

(106,3% više u odnosu na period januar-decembar 2012. godine – 15047 VD)

Uspješno su izvršene pripreme na lokacijama i implementacija izdavanja biometrijskih ličnih dokumenata, izvršena obuka uposlenika za rad u novoj aplikaciji LK, prebivalište i JMB.

U izvještajnom periodu je došlo do zastoja u procesu određivanja jedinstvenog matičnog broja građana (JMBG) zbog nepostojanja relevantne zakonske regulative. Nakon što je Vijeće ministara BiH utvrdilo dopune Zakona o jedinstvenom matičnom broju, kojim se rješava pitanje određivanja matičnih brojeva, MUP KS je izdavao dokumenta u skladu sa utvrđenim izmjenama.

Registracija vozila		2013.g	2012.g
1	Broj obrađenih zahtjeva za registraciju vozila (ukupno a do m)	212695	196477
a	Prva registracija	9589	8911
b	Produženje registracija	104473	100379
c	Promjena podataka o vozilu	5177	5067

d	Promjena vlasništva	3776	3565
e	Promjena vlasništva i produženje registracije	3550	3637
f	Promjena saobraćajne/prometne dozvole	490	319
g	Promjena tablica	4913	4623
h	Odjava vozila	31630	26314
i	Promjena podataka o vlasniku	1455	1929
j	Promjena potvrde o vlasništvu (POV)	2541	1712
k	Promjena potvrde o registraciji (POR)	13574	11457
l	Ponovna prijava vozila	24373	21671
m	Promjena stikera	7154	6893
2	Registrovano diplomatskih vozila (ukupno a+b)	235	242
a	"A"	181	218
b	"M"	54	24

Pored navedenog obrađeno je:

		2013.	g
2012.g			
1.	Zahtjevi za promjenu imena	130	127
2.	Zahtjevi za promjenu prezimena	313	197
3.	Zahtjevi za promjenu ličnog imena	34	26
4.	Zahtjevi za prijavu prebivališta	18036	21399
5.	Zahtjevi za odjavu prebivališta	9081	11508
6.	Zahtjevi za prijavu boravišta	317	114
7.	Zahtjevi za odjavu boravišta	238	801
8.	Zahtjevi za izdavanje uvjerenja o prebivalištu-boravištu	21737	24294
9.	Određeno JMBG	5932	6232

Putne isprave

U izvještajnom periodu ukupno je izdato 53686 pasoša.
(34% više u odnosu na period januar – decembar 2012. godine kada je izdato 40027 pasoša)

Broj zaprimljenih zahtjeva	54701
Broj izdatih pasoša	53686

Saradnja MUP-a KS i Agencije za identifikaciona dokumenta, evidenciju i razmjenu podataka Bosne i Hercegovine:

Koordinirane su aktivnosti između lokacija MUP-a KS i Agencije za identifikaciona dokumenta, evidenciju i razmjenu podataka Bosne i Hercegovine

U realizaciji projekata Agencije za identifikaciona dokumenta, evidenciju i razmjenu podataka Bosne i Hercegovine, administratori projekta svoje obaveze izvršavaju u skladu sa zahtjevima Agencije.

Redovno se radi administracija korisnika za pristup bazama podataka, podrška korisnicima u radu na aplikacijama (LK/OI, VD, registracija vozila, putne isprave, pretrage civilnog registra), intervencije na mrežnoj i računarskoj opremi, provedba novih projekata i sl.

Inspekcijski nadzor

U toku izvještajnog perioda je izvršeno ukupno 57 inspekcijskih kontrolnih nadzora, od kojih 26 upravno-pravnih nad radom odjeljenja za administraciju MUP-a KS i matičnih ureda općina, te 31 inspekcijski nadzor nad radom agencija za zaštitu ljudi i imovine i službi unutrašnje zaštite.

-Na kraju želimo još naglasiti da će Uprava administracije i podrške u 2014. godini , polazeći od zakonskih ovlaštenja, redovno pratiti i analizirati aktuelne pojave, sprovoditi mjere i ostvarivati zakonitost u radu, sagledavati funkcionisanje organizacije u vršenju poslova, kadrovskom, stručnom osposobljavanju i adekvatnom tehničkom opremanju, te pokretati inicijative u cilju efikasnog i zakonitog vršenja poslova iz nadležnosti Uprave administracije i podrške.